

مستطابق

در سعادته باب عالی جاده سنده
اداره مخصوصه
محل اداره :

انظار :
مسلمانه موافق آثار جدید مع المنزیه
قبول اولنور
درج ابدله بن آثار اعاده اولغاز

دین ، فلسفه ، ادبیات ، حقوق و علوم دین باحث هفته لقا رساله در

مؤسسه : ابوالعلا زین العابدین - ح . اشرف ادیب

سنه لک	القی آیلدی	درسه دتده
۶۰	۳۰	ولا یاتده
۸۰	۴۰	مملک اجنبیه ده
۸۰	۴۰	

تاریخ تاسیسی :
۱۱ خمر ۳۲۴

در سعادته نسخه سی ۵۰ پاره در

قیرله دن مقوا بورو ایله کوندریلیرسه سنوی
۲۰ فروش فضله آلنیر

در سعادته پوسته ایله کوندریلیرسه ولایات بدلی اخذ اولنور.

اولان منفعتپرست اماملره تشبیه ایدرك «كاسه لیس» عنوانی ویررلر .
ایواه ! بیکلرجه ایواه ! ملت جهالت اسارتندن ، تعصب
بیوندیغندن قورتیه مدیغندن آنا فآنا محو واندراسه یاقلاشمقده در .
میمنی معصوم یاورولری مکتب دیمیه سزاوار اولان بر تربیه کاه
یوزی کوره مدیکندن بالارینی چوق کچمه دن تعقیب ایده جکله ، وهم
علی آثارهم بهر عون .

اوزرنده چارپشان ایکی قوتک — جدید ، قدیم — تأثیری
سعادتیمیزی تأمین ایتک ایچون آچلمش مکتبلری بر بر قیامقده .. بر
پارچه ملتک حاله آجیر فرض ایتدیگمز ذاتلرده و قتلرینی ترزلیک وروس
قصابلرینه سمسارلق ایله کچیرمکده .. ملتک معده سی تحمل ایدوب ایتیه جکی
نظر اعتباره آلمق سزین خزینه سنده نه وارسه دوکوت صاحب علته
طوتلمقده ... آزیجق اولسون خاطرلرندن کچیرمیورکه بو ملتک
بقای آتلی آفرانقه البسیه قالب ایدرك نصارا ذیحجه سنی یدیرمکه
اولیوب ، آنجق معارفک توسعه توأم و مکتبک چوغالسیله ممکن
اولدینی ، و مکتبک چوغالسی ایسه اهالینک مظاهرتیه حصول پذیر
اوله جنی آشکاردر .

کلامه ختام ویرمه دن شونی ده عرض ایتک ایستورم که بوکونه
قدر عالمه چیقوبده عکسی اوله رق تلقی اولنش مسائلک حقیقتی میدانه
قویق بطنک دکشمه سینه توقف ایدیور . نه وقت دماغلری هیچ بر
خرافاتله قارشیدرلماش معصوم یاورولرمیزی خرافاتدن توی ایدرك
صاف اسلامیت تربیه سیله تربیه ایتیه موفق اولورسوق او وقت عکسی
اوله رق تلقی اولنش مسائلی میدانه قویه بیلورلر . بناء علیه هرشیدن
اول اهمیت ویره جک یرمز « مکتب ، مدرسه لر موزر » بر آن اول
اهالی کندیمره ظهیر ایدرك مکتب ، مدرسه لرك اصلاحه چالشمق
لازم . یوقسه مکتبه کیردیگندن چیقدیغه قدر برطاقم ملعونلرك
انشا کرده سی اولان اصلسز اساسسز موضوع حدیثلری اوقویه اوقویه
باشی دونمش .. شمدیه قدر دین نامه انتشار ایدن خرافاتی دیکلیه
دیکلیه قولاغی صاغر اولمش اهالینک بوکی مسئله لر تعصب طمرلرینی
قبارتمقدن باشقه شیئه یراماز . اولسه اولسه معارفدن صوغومه لرینه
خدمت ایدر . ذاتاً معارف پرورلرمزک کوندن کونه کندی خفیه لکلمرمله
سورکونلره یوللانلماسی و مکتبلرك برر برر قیامسی بوکی فی الاصل
لزمسز شیلری اورتیه چیقارهرق اهالینک ذهنلرینی تحدیش
ایتدیگمزدن ایلری کلیور ، ظنده یز .

تردیکلی : احمد تاج الدین

حدیث فکریه

مادیونک شهباتیه آنلرك بطلانی

غیل ایله طرفدارلری ، محاط اولدقلری نقصانی کندیلمیه عیاناً
کوسترن ، اوتیه طرفنده شائبه نقصدن آزاده برکالک ، ممرات المین

آسوده بر سعادتک موجودیتی بیلدیرن جناب خالق حد ایدرك اوغایه
سعادت وکاله جان آتیه جقلری ، بونک ایچون هر درلو وسائله
صاریه جقلری یرده بالعکس طوتمشلرده سبیل فوز وفلاحی کندیلمیه
قارشى قابلمش ، فیفای یاس ایچنده طولاشوب طور یورلر . حالبوکه
اومغیلانزار بی انتهاده معروض قاله جقلری شداند حیات فرسایه
دایانه میوب ناچار محو اوله جقلردر .

لکن بوزوالیلر نقصانلرینی ادراک ایدرك بوصورتده کی وارلقدن
بیزار اولدقلری ایچون فصل چکیلمز بر حیات ایچنده وقت کچیریورلر .
صوکنده فصل دنیادن نومید کیدیورلرسه اوتیه طرفده دیکر
برطاقم آدملروارکه اونلر کی بونلرده محاط اولدقلری نقصانی
اکلا یورلر . انجق بونلر اونقصانک آرقه سنده برکال مطلق کورو یورلر ؛
علت غائیة خلقتلری اولدینی بیلدکلری اوغایه کاله وارمق ایچون
آله بیلدیکنه قوشیورلر ، بو عزم شدید سایه سنده مقصدلرینه تدریجاً
یاقلاشیورلر . ایسته بونلر بر حیات مسعودانه ایچنده امرارایام ایدیورلر .
شبهه سز صوکنده اولیه بر مرتبه کاله وارمش اولدقلری حالده حیاته وداع
ایده جکلردر که اورادن طوغریدن طوغری به باشقه بر عالم نورانوره ..
کندیلمیه بر سعادت باقی ایله برنعم ابدی ایله بکله مکده اولان بر عالم
بلنده یوکسه جکلردر .

انسانک حالی غریبدر نقصانی کورنجه در حال طورور ؛ ایلروسنده
برکال محض اولدینی ، اوکالی ادراک ایچون طی مراحل ایتک لازم
کله جکی دوشونمز . کورمیورمیسکنز غیل ملاء اعلالک بر حال
فوق الحیالی اولان جمال صرفی ، کال محضی ادراک ایتدیکی حالده
اوکا یاقلاشه جنی یرده اونندن اوزاقده قالمق ، نومید اولمق طرفی التزام
ایدیور ؛ سبحان الله « انها لاتعمی الابصار ولکن تعمی القلوب الی
فی الصدور . »

مکونات طبیعتیه اعتراضده بولسان بو آدملر انکار وعنده اولیه
مغلوب اولمشلرکه اونک سائقه سیله سخافت عقل و رأیک الک اشاغی
درکه سینه اینمشلرده حالا فرقه وارمیورلر . بونکله برابر بو آدملر
رده بیه دکری اولمایان بویه عادی بر فکری مقام تفاخرده فصل ایراد
ایدیورلر ؛ حیرتدهیم . چونکه باشقه لری کی بونلرده کورو یورلر ،
بیلیورلرکه علم برترقی دائیمه در . بناء علیه بر شیئک بوکون حکمتی
اکلا شیلمازسه یارین تظاهر ایدیور .

ذروه لری بولوطلره طوقونان ، هیئت مجموعه لری روی زمینی غیر
مستوی بر حاله کترین شو طاعلرك یارادلماسنده نه حکمت اوله بیه جکی
بروحشیدن صورارسه کز هیچ شبهه یوقدرکه بلاتأمل ویره جکی جواب
بونلرك هیچ بر حکمت ومنفعتی اولدیغندن ، بناء علیه سطح کرمده
بولونملری ده مناسب اوله جغندن عبارتدر . حالبوکه جهالتندن
طولای شو حکمی ویرن آدم طاعلرك یاغور مخزنی اولدینی ، اونلر
اولماسه نهرلرك دواخی قابل اوله میوب طولایسیله بوتون انسانلرك
هلاکی ، یر یوزنده حیاتک عدم امکانی لازم کله جکی بیلمش اولسه یدی ..

چونکه اولئك مظفریات سابقه سی مظفریات آینه سی ده متکفله . بناءً علیه بلاطور ولاطور تبعاتی ، تدقیقاتی تعقیب ایدر طورور ؛ زیرا او جیات الخلاقه نه دی بیلیمز ،

ایشته شو مسروداتمزدن اگلاشیلیورکه مادیونک یوقاریکی سوزلری اونلرک خطیئاتندن ، نقائصندن بری عد اولمقی ایجاب ایدر . زیرا جناب حق بر آدمک شان وشرقی محوایتمک مراد ایدنجه اوکا عقل قبول ایتمه جک بویه بر آلی هذیانلر سویله تیر . بنم اعتقادجه محضا حکمتی آکلایه مادلرندن طولانی اجزای کائناتندن بعضیلرینه اعتراضه قالدیشان آدملرک سوزلرینه اعتبارشویله طورسون ، ذوی العقولندن عد اولمقاری بیه جائز دکلدرد . واقعا بزم بو آدملره قارشی شو موضوعده حقیقی مدافعه کلفتی اختیارایتمکمزایجاب ایدردی ؛ لکن قورقدنکه خلق بونلری کورنجه علوم طبیعیه اصحابی بویه بر طاقم آرای سخیفه ایله اتهامه قالدیشیده بزده هم علمه ، هم اربانه قارشی بویوک برجنایت ایشله مش اولورز .

شیمدی بوسوزلرک هپسینی بر طرفه بر اقلدم شو مادیونی بر طار دائرة ایچنده اویله بر صورتده محاصره ایدم که هیچ بریاندن فرجه باب خروج اوله ماسونلر . پک اعلا ، اونلره صورم که هانکی حقه استناد اوجود خالق انکار ایدیورلر ؟ اکنه بویه اوزادوب کیتدکری دعوالرنده هانکی دلیله اعتماد ایدیورلر ؟ زمین و آسمان یارادیلرکن حاضر ایدیلرده زهملرنجه خلق و ابداعه مقتدر اولان قوانین طبیعی ، ازلیته قائل اولدقلری مادیی کوزلریله می کوردیلر ؟ یوقسه بویه مدعش بر موضوعده اللرنده عقل سلیمک قبول ایدم بیه جکی براهین می وار ؟ باقم بونی استاد امیل لیرمزدن صورم که حضرت فلسفه حسیه اصحابک رئیسیدر . باقیکنر نه دیور ؛ « بز کائناتک اصللرینی ، مرجعلرینی بیلمدیکمزدن بر وجود سابق ویلاحقک موجودیتی انکار ایتمک بزم ایچون طوغرو اوله ماز . انکار بویه اولدیفنی کی اقرارده عینله اویله در . فلسفه حسیه عقل اولک وجودی مسئله سنده بیان رأی ایتمکدن صوک درجهده امتناع ایدر . چونکه او بوخصوصده کی جهل قطعینی تمامیه اعتراف ایله مشدر . کذلک فلسفه حسیه نك منابی بولنان علوم فرعیه ایچونده اشیانک مبدأ ومعادلری حقنده حکم ویرمکدن چکنمک لازمدر . شونی دیمک ایستزکه بز حکمت الهیه نك وجودینی انکار ایتمزسه کده اثباتنه قالدیشمايز . بز قطعاً بی طرفز . نه نفیه قائلز ، نه ده اثباته مائلز . »

ایشته بو سوزلر فلسفه حسیه استادیونک سوزلریدر . ایشیدن کورورکه فلاسفه حسیه نك اللرنده نفی صانع ایچون برهانلری یوقش ؛ بونلر بو مسئلهیه قطعاً قاریشماق طرفی التزام ایدن بر طاقم آدملر ایش . ده آجیق بر تمیر ایله سویلیلم . بونلر دو قور روینیه نك فلسفه حسیه سنده توصیف اولدیفنی وجهله ؛ « ماهیت اشیا حقنده حکم ویرمک ایستدکری زمان بوتون تصورات وتوهماتدن اعراض ایدرک صرف مشاهدات محسوسه اوزرینه بناءً مطالع ایتمک ، سوزلرندن تحقیقی ممکن اولماین بوتون فرضیاتی حذف ایله مک ایستلر . »

اوت ، اوجاهل بو حکمتدن خبردار بولنسهیدی بویه بر اعتراض صاووردیفندن طولانی توبلر ایدردی ؛ عقل قاصرینی حدودینک خارجنه سوق ایتدیکندن اوتانیر . بیک کوه پشیمان اولوردی .

ایشته عالم طبیعتده کی اشیادن بعضیسی چرکینلکه ، لزومسزقله اتهامه قالدیشان او آدملرده شومالده کی وحشییه بکزرلر ؛ اونک ایچون ظاهر آنظره خوش کورونمش مناظرندن عبرت آله جقلری یرده عقللرینک ایرمدیکی ، علملرینک احاطه ایدم مدیکی شیلره اعتراضه قالدیشیورلرکه بوده غباوتک منتها سیدر . لکن الله عنادک بلاسنی ویرسون . ایشته بو آدملری بویه ایشیدنلرک هم خدۀ استخفافی ، هم ده مرحمتی جلب ایدم جک بر آلی سفسطلر سر دینه اجبار ایدن سائق هپ عناد بلا سیدر ، باشقه دکل .

عجاید عوالمکیر ابداعک کتم عدمدن وجوده کتیردیکی بونجه مبدعات دهشت فرمانک هر طرفدن موجودیتلرینی احاطه ایتمش اولسی اونلره الویرمیورمی که کتیدیلرینی طویللاسونلرده بوکون حکمت وماهیتنی ادرا کدن عاجز بولندقلری بعض شیلری انتقاد خصوصنده التزام ادب ایتسونلر ؟

ایشته بوغنود ، بومهور آدملر عالم طبیعتده سر و حقیقتی اکلایه مادلری اشیایی بر صورتله اتهام ایتمکده ایکن دیگر طرفدن بونلرک استادلری حضور عظمت خداده سر بزمن سجود اولمش ، بوابداع حیرت فرمای لسان خضوع ایله اعتراف ایدیورلر ؛ مظهر اولدقلری علمک محاط بولندقلری جهله نسبتله کونشدن ذره ، دکزدن قطره مثابه سنده قالدیفنی سویلیورلر .

فیاسوف شهیر اوکوست سیاسیه فلسفه ادیاننده دیورکه : « علمک هر فرغنده ، هر مبحثده حائر اولدقلری معلوماتک نسبتله غایت محدود بر جزئدن عبارت اولدیفنی هر کسندن اول اعتراف ایدن ینه علمادر . تواضعده اک ایلری کیدنلر ایسه علماً اک اوکده بولنانلردر . بونکله برابر علمانک هپسیده معترفدرلرکه شمدییه قدر عالم طبیعتده نائل اولدقلری کشفیات ، اجرا ایستدکری تبعات مجهولاته نسبتله عدمدن باشقه برشی دکلدرد . بناءً علیه بونلر وضع ایستدکری قوانینی زمان زمان تعدیله ، نظریه لرنی ده کیت کیده توسیعه ، مشاهدات جدیدلرینی اسکی مشهودات صحیحهلرینه علاوه په آماده درلر . اوت ، بوضوکره کی مشاهدات آره سنده اویله حادثلر ظهور ایتمکده درکه افکاره دهشت ویرر ، اذهانی هرج و مرج ایدر . (شایان تأملدر) نته کم بو حال هر کون کورلمکده در .

لکن حقیقی بر علمک بو حادثات نویسه قارشی موقعنی تدقیق ایدم جک اولورسه کز کوررسکزرکه او عالم باصرۀ امعانه برنجی دفعه اوله رق چاربان بو حادثاتکده کندیسنجه مجهول بر طاقم قوانینه منقاد اولدیفنده شبهه ایتمیز . اوت ، کندیسنجه مجهول اما حقیقتده موجود . صوکره مشاهدات حاضر مسمی ده او قوانینه اسناد ایدم بیلیمک امکانندن ، ایلریده اونلر حقنده ده استحصال معلومات ایدم جکندن امیدنی کسمز .

دیرزکه: اگر ایش حقیقه بویه ایسه پک قولای. زیرا دیمک بو آدمیر برهان حسی قائم اولمادجه هیچ بر شئی انکار یا خود اثبات ایتمک ایچون عهد و میثاق ایتمش. پک اعلا، لکن یا بو آدمیر الله قارش، ناسه قارش یلان سویله رک کندی لرینک وضع ایتمش اولدینی قانونه اوتانمدهن ینه کندی لر مخالفت ایدرلرده بو صورتله قانونی ایلمک نقض ایدن طوغریدن طوغریه واضعلری اولورسه نه دیرسکیز! باقیکنز ینه واستاد لیره نه دییور: «طبیعیون ماده نك ثقلی اولدینی بیلدیکی کی فیزیولوژیون ده ماده عصیه نك تفکر خاصه سنه مالک بولندیغنی بیلیر. مع مافیه بونلرک ایکسی ده نه ماده نك نه صورتله حائر ثقل اولدیغندن، نه ده اعصابك نصل متفکر بولندیغنه وقوف ادعاسنده دکلدر.» کوروپورسکیزیا استاد کندی قانونلرینه نصل مخالفت ایدیورده خصیصه تفکرک اعصابده اولدیغنه نصل حکم ایلور. اعصابك متفکر اولدیغنه دائر الله برهان حسی وارمی؟ اگر فلسفه حسیه قانونه اتباع ایتمش اولسه دی مسائل فلسفیه نك ال مشکلی اولان بومسئله نك اوکنده اعتراف عجز ایتمی لازم کلزمی ایدی؟

بونلرک هیچ برهان حسی اولمقسنز نفی واثباتده بولنلرینه باشقه بر دلیل ده ایتزمیسکیز؟ ایشته ینه عین مسلکه مخصوص قانونک واضعی بولنان لیره بر اثرنده سویله اداره کلام ایدیور: «نظریمزده ظاهر اولیورکه کائناتی ایجاد ایدن اسباب ذاتیدر، کائناتندن متمیز دکلدر. ایشته بزم قوانین طبیعه دیدیکمز اواسابدر.»

باقیکز استاد کائناتی خلق ایدن اسبابک قوانین طبیعه دن عبارت اولدیغنی واونک کائناتندن متمیز اولدیغنی هیچ بر برهان حسی اولمقسنز نصل ادعا ایدیور! مابعدی وار محمد فرید وجدی

منجمی: محمد عاکف

تذکره احوال

یادماضی

سزمکه باشلادم. بو صره لرده ایدی که کوکه حسرت پذیر آتشی دوشدی. کاه غلیان حسرتله ملول و محزون اولور، کاه بوهنگام معصومیت مخصوص کیم بیلور نه کی مطالعات غریبه ایله آوونه رق کولوب اویناردم. قبر پدری زیارت ایتمک ایچون اصرار کوستردیکم پک چوق اولوردی. وقت وهوانک مساعده سندن فرصت دوشدجه بو آرزوم اسعاف ایدلیدی جهته زیارته کیدرکن پدرمه برکنده عودت ایدرم خیالی بارلار واورایه کیدوبده بوخیالک نقشبذیر امکان اوله میه جغنی کویا بریسی دروغه الهام ایدیورمش کی اولنجه بیونم بوکوک دوزدم. پدرک وفاتنده ارکان بیت اولسق اوزره التی نفوس ایله سعید نامنده لالامز قالمشیدی. یتوتکاهمز اولان خانه دن بشقه ادرنه

قپوسنده واقع حاجی محی الدین محله سنده برکرا اوی و سلطان احمدده شیمدیکی بلدییه بانچه سنک قبله جهتدن قارشوسنده کائن کارکیر بر باب بقال دکانی ایله بر بطن اولاده منتقل اسهام ونقداً وسنداً بر خیلی مقدار اچه مرحوم پدرمزدن انتقال ایدلیدی جهته شو واردات وموجودات حسن استعمال ایدلیدی صورتده کندی یاغمزله قاوریله جق مرتبه اعاشه مزه کافی ایدی. انجق دکانک ملک صاحبی ایله تحدث ایتمش منازعه اوزمان محکمه تفتیشده اوزون اورادییه مرافعاتی انتاج ایدر وبویولده موجوداتک بر قسمی الدن چیقار. سندات اصحابندن اکثری ایسه بورجارینی تعقیب ایدمک کیمسه بولندیغنی کورملریله تأدییه دن جهته یناشماز، بونک ده بر خیلی مقداری شو صورتله چوریوب کیدر. [کدک — بانچوان، دکرمنچی، قیو محی کی ارباب حرف و صنائعندن

برینه منسوب قازمه وکورک، طاش وخروس، کوروک و اوجاق مثللو آلات وادواتک مالکی اولان کیمسه دیکر کیمسنه نك تحت تملکنده ویا خود اجارتین ایله تصرفنده بولنان بستان، دکان، دکرمن کی عقارینی معلوم المقدار اجاره معجله ومؤجله ایله و اول عقار وقف اولدینی تقدیرده اذن متولی ایله عدد سنین وشهور بیان اولمقسنزین استیجار ایدر وباشروط قرار آلات مذکوریه اوعقار درونه وضع ایله استعمال ایدر. ایشته عرفده بو صورتله وضع اولنان آلاته «کدک» وموضوع ومستقر اولدینی عقاره وقف اولسون ملک اولسون «ملک» دینور.]

والده دخی تقدیر خدا ایتمش که چوققلرمک تربیه سیله مقید اولسون دیه کنیدی ده بزم کی محتاج متروکات پدر بولنان بر ذاته وارر. بو ذات مورده لی شیخ محمدافندی مرحوم مدرکه حضرت نورالدینک فخری تربیه داری ایدی. کنیدی امی اولدینی حالده ترکجه عربجه روجه ارنأودجه اوله رق درت لسان ایله متکلم ایدی. ترجمه حالی اوزون اوزادییه حکایه ایدردی. خاطرمده قاله بیلن خلاصه سنی بوجه آتی نقل ایدیورم:

«پدرم مورده مفتی زاده لردن مصطفی پک ایدی. مورده وقعه سنده بن کوچوک ایدم. والده مه ایکی همشیره می کوزمک اوکنده اولدیردیله. بن نعلش التنده قالمشم. صکره بنی نعلش اره سنده بر حیات بولدقلى زمان آنه لی بر تاجر آلوب آنه یه کورتوردی. کنیدنه اولاد ایدندی. بر خیلی وقت یاننده قالم. فقط پدرمک حیاته اولوب شامه هجرت ایتمش اولدیغنی خبر آلدیغمدن کنیدنه قاوشمق ایچون بر سفینه یه راکباً فراره قدم باصدم. یوللرده انواع محن و مشاق ایله وکاه برآ وکاه بحر کوچ حال ایله شد رحل ایدرک نهایت دمشق الشامه واصل اولدم. او زمان هنوز روجه وارنأودجه دن بشقه لسان بیلمز ایدم. بونکچون حالی هریرده اکلاده مدیغمدن یوللرده و اوغرا دیغم یرلرده پک صیفتی چکیور ایدم. شامده پدرمه ملاقی اولدم. وفاتنه قدر یاننده بولدم. اوراده غریب و بیگس قالم. بونک اوزرینه سواحل طریقیه قره دن از میره کلدیم. باقدم، از میره هجرت ایدن اقربامزدن ده کیمسه قالمش. اورادن بروسه یه کتدم. بوراده